



977213

詩  
詩  
華  
堂  
鈔

光緒五年  
輯於石  
穀



九疑古蒼梧之野奇峯插天清濤動地其形勢則雄峻  
盤紆其氣脈則流衍布濩鍾靈毓秀代有瓌奇之士如  
唐之李西貞宋之樂雪磯其最著者也吾友石麟祥先  
生挺生其間銜華佩實卓犖不羣當其抱膝長吟慨然  
有澄清之志倘所謂瓌奇之士非歟咸豐初元粵氛方  
熾相國賽公奉命視師檄先生籌辦永州防務良以  
此邦居南楚上游賊據之則順流直下可擾衡湘全永  
州所以全衡湘也先生感激知遇振臂一呼得壯士數  
萬人守禦綦嚴賊至屢挫之乃改竄郴桂以出洞庭衡  
湘一帶七豨無驚中興將相得以從容崛起其間者先  
生之力也先生來江右與浚蘭訂交極稱莫逆自是以  
道義相切劘以詩文相往還見其立言淵雅一本忠孝  
不沾沾以模範古人爲能者久之南歸中間橐筆皖南  
贊軍黔嶺短衣匹馬出入金戈鐵馬中古之劉越石祖  
士雅不是過也賊平歸養其於榮利泊如也今年春復  
有灌城之役昕夕過從談藪甚歡偶見所著蒔花堂詩  
雜誦至再凡山川之閱歷風土之敷擢與夫士馬芻糧

自序

詩言志非志弗言也反是雖言之且長言之庸有當乎  
我生不辰弱齡廢學於古人著述源流渺所窺測何足  
與於言詩顧自少壯以來所歷艱屯或噤伏邱園或籌  
兵郡邑或馳驅於江黔鄂皖之間每當故林風雨異地  
河山感觸無端不得不藉此以宣其鬱第信題口占隨  
意塗抹都如落絮飛花散無蹤跡間有爲臧獲收存者  
亦已無多今且老病侵尋與二三故舊談及往事輒如  
夢影前塵不復省記兒輩偶於故篋中得詩一帙呈閱  
蒔花堂詩

序

一

審定因不禁感慨係之嗟乎盛年虛擲老大無成尙何  
足與於言詩斯卽平日言之且長言之庸有當乎兒輩  
曰詩言志大人之詩大人之志也請得銓次存之嗟乎  
詩言志此豈罄予之志也夫光緒五年秋月晚園老人  
石煥章書



題詞

震澤王廷鼎夢薇  
涼風梳簾白雲刷  
几孤懷斯曠隻眼以明適讀蒔花堂詩集覺其學邃懋其音淵雅其志貞毅其氣沈雄倫紀言情春光蓄爲懷抱帷幄運策秋霜矢其嘯歌蘊學業於林泉抒骭髀於風月少陵篇什動厘君親放翁江湖不忘家國千秋詩教此其倫矣

善化何應祺鏡海

清澈瀟江水輝煌疑嶺霞何人曾毓秀夫子筆如花古

蒔花堂詩

題詞

豔鬱懷抱忠勤在  
國家文章本餘事脫手亦妍華

清泉王方晉岫雲

調寄滿江紅

浪跡南州風塵裏見聞俱俗喜今朝浣薇展誦陽春一曲萬疊蒼梧雲氣秀一江湘水烟波綠莽乾坤何事困通才羈鴻鵠風與月無提觸忠和孝佚編錄縱朱絃能寫恐嫌音促一卷新詩天籟發五花綵筆冰甌浴羨杜陵真不負平生千秋屬

詩花堂詩鈔卷上

甯遠 石煥章

麟祥

石門感懷

丁酉

天風吹海立勢挾方壺起無以位置之墜落春溪水何  
年遇五丁關石容方軌當門一徑通恍入壺天裏鶴巢  
結山均白雲流澗底憶昔我先人杖履時遊此悲哉風  
木聲嗟峩空仰止

遊仙二首

妒羅雲滿大羅天肯向洪崖浪拍肩不信麻姑年最少

蔣花堂詩鈔

卷上

也曾三見海成田

羽葆珠幢色色佳了無塵夢入天懷不知昨夜蟠桃宴  
若箇新遺紫鳳釵

悼聘室渤海君四首

搗盡元霜不是緣絲蘿空憶少時牽先人韓孟原知己  
舊戚潘楊自昔年有待明珠歸合浦無功白璧返藍田  
平生厭聽朝飛雉此日琴操竟斷絃

百年喬木痛霜摧三載相思一夕灰未許畢婚同向子  
空教撮合費山媒西堂那復吟飛絮南國從茲負標梅

棗栗望穿新婦贄阿翁賈恨到泉臺

夢回炊白慘難言羨殺名花尙合昏已有星期秋共約  
那知月殿夜光奔沾襟但有潘郎淚翦紙難招倩女魂  
翻怪赤繩空繫足年來不肯早催婚

黃土埋香事便休此生無分比牽牛曇花枉現天人樣  
萱草難忘母氏憂豈是驂鸞歸玉府可曾騎鶴到神州  
渺茫碧落蒼茫恨青鳥能爲一探不

敬題落陽山先君子書室

戊戌

秋高來訪讀書堂形勝依然冠落陽時有煙雲飛几席  
蒔花堂詩鈔

卷上

二

頗無俗慮到門廊文章早得江山助棟宇長留翰墨香  
仰首喬松增愧怍幾年拋棄硯田荒

宿石笏山房感懷雷笏山先生

澍萬

跨鶴凌霄去太忙空留遺蹟景蒼蒼春風桃李參差豔  
夜雨芝蘭次第香桂嶺千尋供几案楓江幾折到門牆  
夢魂於此增惆悵徒灑西州淚數行

石溪

己亥

地以人傳多人罕以地傳山水匪高深名在龍與仙磨  
崖有漫叟浯溪名久宣謫居有柳侯愚溪名始專石溪

以石名非以石氏遷石徑兼石門萬狀窮雕鐫溪爲眾  
流長餘水供圃田溪山多佳木溪壑多鳴泉伊誰宏遠  
模藻繪此山川惜哉我生晚撫石方慨然我欲傳其盛  
前微失考焉我欲彰其美後起應有賢人非龍與仙所  
貴令德全要學媧皇手鍊石補青天

東林庵二首

一溪流水最灣洄誰使山靈面目開莫道禪房花木繞  
鐘聲還過小橋來

雙松對峙化雙龍路入花關有幾重聞道紅塵飛欲到

詩花堂詩鈔

卷上

三

殘僧好把白雲封

重登小東山

有序 庚子

石溪東有山爲甯遠北境之最雄峻者前人殺  
之以小用別於魯國之東山所以尊聖蹟表方  
輿也余友楊子慎修蠟屐招遊因賦此詩

家住九疑北山比疑山古昔年登其巔眾山若偃僂轟  
立霄漢間去天祇尺五到此萬緣空塵勞何足取名山  
信有靈呵護生雲雨古木蔚松杉駭獸藏麀麀磴道入  
崔嵬開闢巨靈斧舊遊已十年至今猶戰股故人有山

癖視此爲樂土重結煙霞約屬我東道主戒僕尋前途  
靈區爭快觀乘興陟危巒羣峯排午午忽然霧繞空蜿  
蜒龍蛇舞安得大王風駘宕掃寰宇氣象幾萬千恍如  
歷天姥高吟李白詩脫屣輕簪組從此汗漫遊快入仙  
人伍笑彼名利人有類柙中虎鎮日坐樊籠愁緒不勝  
數楊子頗同心興闌亦再鼓長嘯廓層陰歸雲掌中撫  
遙指楚邊城其細若炊釜竊比孔聖人登山而小魯

訪友相左

我出故人來我歸故人去乘興來何時興盡去何處

葦花堂詩鈔

卷上

四

春陵故城

辛丑

一代發祥地分藩在盛時周大賚孫子漢官儀白  
水曾遷宅青山此擴基中興傳奕葉千載起人思

雪磯

有序

磯在甯遠城西瀕江負郭饒有水石之勝邑人

樂聲遠先生釣臺也先生名雷發宋寶祐癸丑

歲用門人姚勉薦召試入策賜特科第一旋即

歸隱著述甚夥國朝四庫書中猶有存者吾

生也晚讀其書履其地能勿動高山仰止之思

作詩勒石用諗來者

延唐江水去漫漫中有幽人把釣竿冷雪飛花融座石  
青雲及第豔臣冠一官不就成高尚八策真能媿治安  
我到鄉賢遊息地行行欲去又盤桓

輞谷月巖

壬寅

期題來謝意香棘田間跼蹐無安

月巖開自天穹洞闕雙闕巖外挂兩弦巖中懸圓月東  
西磴十五不受巨靈斧一步一虛盈晦朔堪歷數皇古  
神呵護誰識元機露天篤生聖人靈府開覺悟從茲太  
極剖陰陽成配偶圖書自天然安用龍馬負巖存人已  
蒔花堂詩鈔

卷上

五

去巖畔月如故我來玩明月徘徊忘歸路

山居卽事二首

屋西松竹屋東麻夾岸桃花傍柳花犬吠門前雞唱午  
旁人錯比武陵家

醉後狂吟隱几眠醒來隨意看耕田閒鷗起落渾無定  
積雨空林似輞川

雲桃花

癸卯

一官不做氣高命八策真能媿治安

一度春風一度春桃花依舊笑開唇桃源已杳桃花在  
縱有桃花不避秦

山行見早菊

幾陣西風拂面來  
有人蠟屐白雲隈  
黃花亦恐秋容老  
不待重陽已半開

感懷

甲辰

人生無建白草木一同腐  
甘作自了漢富貴焉足取

卧病

乙巳

秋杪偏多雨連宵逐漏聲  
寒從燈下起愁自枕邊生  
老酷憐子醫驕不近情  
牀頭一月債病骨應償清

秋興

蒔花堂詩鈔

卷上

六

落葉蕭蕭續雁聲  
漫天星斗正分明  
小山叢桂能招隱  
老圃黃花又向榮  
日坐疏窗閒讀畫  
夢遊仙島慣吹笙  
年年九月秋風冷  
檻外寒泉澈底清

江行卽事

丙午

漠漠寒煙護晚岑  
風懷撥觸又秋深  
帆歸遠浦迷漁照  
雲破孤鴻出塞陰  
隄柳岸楓新畫稿斷  
橋殘壘古詩心  
朗吟莫歎無人和  
遙聽疏鐘隔梵林

浯溪晚泊

丁未

隔煙縹渺聞疏鐘  
波光闊淡夕陽紅  
片帆一繫浯溪側

尋幽直入煙蘿中煙蘿碑峙數千尺大唐詞筆元顏雄  
明皇幸蜀困安史玉環召釁甘塵蒙藉非郭令回天力  
倉猝那得還南宮中興寶墨任剝蠹風跋雨縮天無功  
後之來者誰超絕導揚盛美推涪翁摩挲石刻看未足  
清溪流月光熊熊

重至白雲山

戊申

地是曾遊處不堪回首時梅花寒映水我意欲何之

理書

己酉

時難年荒累不支風塵飄泊少歸時登樓重檢塵封卷

蒔花堂詩鈔

卷上

未到白頭悔已遲

寄懷嘉魚俞甸甫秀才

宣

一宿飄然去人生遇幾回江流落日遠天濶暮雲堆  
問訊疏魚雁相思在酒杯何當赤壁下風雨訪君來

涵虛閣

庚戌

飛閣臨池上頻來思渺然鳥閒花影定魚戲浪痕圓  
遠岫銜朝爽前村起暮煙春陵風景地孰勝此山川

家東來學博

紫崖

別墅落成暇日過從口占奉贈

偶到幽居訪故人芝蘭圍繞滿庭春每看流水舒懷抱

別啟高齋養鳳麟八載渾忘賓主舊一朝喜見棟梁新  
漁郎已識仙源路何日同君結比鄰

黃鶴樓

辛亥

一上高樓動客思仙人騎鶴去何時仙人要返卽須返  
我要還鄉借鶴騎

登雲麓峯遊眺竟日

振衣直上翠雲根俯視人間一斷魂石徑有苔含夜雨  
禪房無樹冷朝暎十分秋老湘波濶七二峯高楚嶽尊  
今日清遊誰與共欲呼明月倒金樽

蒔花堂詩鈔

卷上

八

嶽麓禹碑亭

幾千年頌神禹功七十七字藏祝融傳聞寶物憑呵護  
有緣者見否則蒙何公訪古驚磨滅嶽麓峯巔重摹碣  
字青石赤走龍蛇上有猿猴古時窟是誰鞭石造堅亭  
從此精靈久不扁丹梯百尺雖云險天風吹我上雲屏  
我觀拓本煩襟滌依稀如見平成績月明滄海指歸途  
湘舫數聲聞漁笛

秋日宿嶽麓書院和陳子晉明經

懋修

原韻兼有

同遊九疑之約

夜氣清如許連牀話不休久荒扛鼎學難報錯刀投醉  
世非關酒遊山幸有儔明朝須暫別期會在殘秋

李思軒明經

永學

訪予長沙客次并約同歸四首

自歎離家久憐君落解來舉杯邀月醉拍案笑顏開囊  
裏添佳句人間無棄材故園秋色好遙憶白雲隈  
聽罷鹿鳴賦何須一慨然雖無金榜貢尙有茂陵田預  
想循陔樂先輕入世緣客愁應暫遣莫負好山川

市散人初靜危樓倚碧欄漁歌來遠浦雁影落前灘嶽  
雨含秋重湘雲入座寒無聊權唱和旅舍一燈殘

蒔花堂詩鈔

卷上

九

幾折東流水西風動客吟輕颿衝雪浪倦鳥止霜林閱  
世寒青眼論交洽素心莫愁歸路遠淪落有知音

湘江歸棹寄楊成甫廣文

世展

湘江秋老晚風寒兩岸蕭然月色闌楓葉淡隨流水去  
蓼花閒伴小洲殘連年烽火驚心久屢閱江湖涉世難  
歸棹不勝遊子意情懷書與故人看

登衡嶽望日臺

學 苗子吳少容為并送同韻四首

微茫午夜凌九垓殘月墜地光徘徊振衣直上萬千仞  
東望滄溟水一杯我聞五嶽序昆弟維南作鎮尤崔嵬

是時赤輪漸高湧波光蕩激金銀臺羣龍拜舞水雲際  
餘霞散綺輝蓬萊書生泥古百不信到此眼界從天開  
請看烏底衡陽雁都爲隨陽振翼來

李思軒明經過訪以詩重約東遊次韻却荅

久錮風塵中偶出風塵界湖山飽閱歷頗道生平快豈  
爲莼鱸歸懼親年日邁老鬢漸成絲參苓權扶憊喜君  
賁蓬廬一氣聯沉澹論交澹如水久敬情不懈本欲踐  
君約雞鳴違警歎聞君堂上人杖國亦將屆去去宜有  
方遠遊經所戒芻蕘敢絮陳逆耳應不怪

蒔花堂詩鈔

卷上

擬古 壬子

入夜雲已黑雲外有明月入山林已深林中有積雪誰  
云世亂久豈無忠與烈忠烈代恆有當世多埋沒若待  
黑白分雲銷復月缺致身而保身誰是錚錚鐵所以大  
經綸萬古想明哲

防守永州 有序

咸豐壬子粵寇洪秀全倡亂糜爛五嶺將犯永

州余方侍養家居突奉 欽使姚石甫粵臬勞

星陔兩先生來書募兵防堵永郡時天下恬嬉

咸以鋒鏑爲危余亦繫戀陔南趣向未定母氏  
聞之曰男兒志存君國毋以吾衰爲念可也遂  
率練卒赴防四月二十二日賊至擊却之旋竄  
道州郴桂間以出長沙而時事不可問矣回憶  
登陴賦詩之日能無慨然錄此以誌往蹟

皇圖萬里奠金甌二百年來仰壯猷其喜車書同海宇  
那知烽火起山陬潢池召釁誰毆爵幕府談兵半沐猴  
太息放桺出虎兕永安屠戮又全州

素愛山林清晝眠今朝馬上快揚鞭請纓獨奮風雲氣  
蒔花堂詩鈔 卷上 十一

磨盾翻餘翰墨緣敢謂幹材堪任重願摧強敵早安邊  
憑城一戰妖氛遠喜見泉陵萬井煙

贈江岷樵大令 忠源

見說江夫子官清似水清河陽初返轡嶺嶠又從征許  
國心先壯籌邊策最精近聞烽火急我亦願談兵

移防石梯嶺二首

琯弓日在臂寶劍夜橫腰偶試雲中箭風前落阜雕  
連宵傳羽檄報國一身輕待曉不遑食巡營暗點兵

李思軒明經枉過蒔花堂追話舊遊并將近作祁

山詩索和賦此酬之二首

鴻雁南歸日情懷記舊年泛舟同淪茗燒筍共參禪書  
買無雙譜詩吟第一篇恩恩分袂速望斷綠楊煙  
小別翻疑久重逢笑口開祁山衣上翠春水案頭杯榻  
爲高人下詩迎大敵來莫嫌平近語長句不須催

莫賦題楊疑樵觀察

上授

步瀛亭

癸丑

一鑑方塘裏高浮太乙蓮虹橋低映水鴨鼎細霏煙浪  
湧疑無地花開別有天達人歸隱處魚鳥自欣然

楊禮堂比部

毓春

索和城西別墅感懷之作卽步

蔣花堂詩鈔

卷上

三

其韻

閒花濃豔鬪疏林吹落芳蹤何處尋流水幾灣疑有意  
浮雲一去竟無心看殘世事情俱淡閱盡繁華識自深  
莫把光陰成錯過焉知來者不如今

官秀峯督部

文

膺祭虞陵惠題先君子九疑詩冊

書此鳴謝

笑口開派山水

九點峯排享殿班禮成隨意步仙寰飛來綵筆旌旗外  
題罷新詩水石間手澤已增墨寶重淚痕休灑翠筠斑  
從茲名姓登公卷不數微塵附泰山

來鶴書巢被燬擬示諸姪重修

先人曾此翦蒿萊幾費經營樂境開欲借溪山留勝蹟  
廣搜桃李樹英才石蓮成象天工造畫棟飛雲大劫灰  
惟願巢痕漸修復老松應引鶴重來

辟地雙橋山莊值西成告歉又聞賊氛愈熾正難  
爲懷不期楊資安李次卿兩國學來遊頗慰岑  
寂賦此以當招隱

數椽茅舍父留餘雲繞山前水繞居閒鳥有情鳴樹杪  
野花無意映門除年荒童穉嗟辛苦世亂功名付子虛  
蒔花堂詩鈔 卷上

三

却幸茲遊重聚首更期同隱樂樵漁

挈眷避兵三兒士榮生

甲寅

狼狽萬狀偏臨產呱呱誕落寒碧澗蘭湯未沐警報來  
抱兒星奔不轉盼穩睡懷中喜住啼從宵達旦登雲棧  
東林無主過西林淚落蒼苔珠作串爾生如此險且艱  
豈是人才出憂患

率五戶鄉兵擊賊武里關大告克捷黃海華太守

文琛

犒賚有加賦此誌謝

五戶皆精銳一關險且雄前軍纔破敵太守已旌功射

馬霜翎赤椎牛夜火紅書生慚勝算威福倚 皇躬

春日辟地茶園

乙卯

有志浮滄海權居野叟家春回榮樹色日暖放山花散  
步防途險看雲倚竹斜主人烹酒熟聊且醉煙霞

贈鄧叟

其元

隔年寄食幾家村離亂場中得孟鄰謝眺有樓曾課子  
陳蕃下榻爲延賓黃鸝啼醒他鄉夢紫燕銜來故國春  
搔首天涯無舊雨尊前幸遇賞心人

亂後聞楊子和文學

宗誠

蹤跡靡定行將遠遊詩

葦花堂詩鈔

卷上

十四

以寄之

紛紛細雨草如茵驛路蕭條信不眞海內無家誰作主  
天涯何處爾棲身一肩行李愁孤客三月飛花逼暮春  
聞道兵戈未休息前途猶恐困風塵  
守禦零陵殲賊解嚴聞粵匪尙在猖獗不勝憤惋

望寒雲鬱不開蠻方烽火逼天來籌邊亂世思全局

報國何人負俊才賊壘幾重環雉堞王師百戰奮龍媒

登陣日夜虛甯晷聽徹譙樓畫角哀

壓地羆狸斧鉞膏江流血水去滔滔紅旗正報甘泉捷  
白屋須防勝卒騷入夜芙蓉騰劍氣新晴楊柳曬征袍  
但期專闔諸名帥迅掃狼煙奏績高

應陽失守率師赴勦

聞道山城警報傳飛揚意氣喜爭先金錢賞士求超距  
國事沾身恥息肩戎馬長嘶驚夜月牙旗高展壓蠻煙  
賊情狡悍平非易努力攻心俟凱旋

秋日感懷

樓頭刁斗轉寒更傳箭聲中戍夢驚繞郭紅殘燈斷續

蒹花堂詩鈔

卷上

五

四山綠瘦月分明論才漸覺精神減濟世終期壯志行  
欲掃羣兇歸化宇莫教紙上快談兵

月夜懷劉雲柯刺史

功偉

丙辰

天寒新雨霽海月渡前津把酒疑山麓懷人楚水濱  
泉聊寫意花鳥偶傳神餘事皆千古胸藏造化春

寄雷松巢廣文

鶴齡

二首

一曲驪歌數載餘笏山風景近何如春深桃李花開日  
多少門前問字車

三世論交誼最長王家絕業有青箱他年鳴盛巢阿閣

雛鳳應隨老鳳翔

字

我生十指拙二十不善書今已踰中年勤學竟何如

李思軒明經由永昌返棹客中一晤卽送其歸里  
一宿怱怱又送君征衣冒雨洗塵氛幾更燈火交情切  
三疊陽關客路分遊久夢殘湘水月歸遲襟帶祁山雲  
江東渭北何時會重與青蓮細論文

送歐陽展青孝廉

駿

應禮部試二首

丁巳

幾年桑梓共籌防雅意深情總不忘且喜驂騮開道路

蒨花堂詩鈔

卷上

六

天衢從此好騰驤

轉瞬春風蕊榜開芙蓉闕下重仙才憑君穩策看花馬  
早向瓊林宴裏來

過石梯嶺舊營

衰草斜陽外荒亭怪石邊昔年新壁壘此日舊山川百  
戰風雲在重來歲月遷道旁人間訊不覺話留連

蒔花堂詩鈔卷下

甯遠 石煥章 麟祥

登獨秀峯

戊午

桂林城裏翠微巔見說羣山拜眼前泥雪要將鴻爪印

嶺雲獨向馬頭拳十年兵火初銷劫萬井災黎欲禁煙

安得擎天如此柱手揮霖雨徧垓埏

香歸里

近自軍門返蓬廬已暫開連宵驚戍鼓恐有羽書來

四十送仲循弟之官粵西

蒔花堂詩鈔

卷下

一

四十年來老弟兄連牀聽雨最多情一官小試應無忝

兩母相期在有成菽水不須憂內顧風雲且自奮前程

佗看粵嶺歸飛雁帶得循良好政聲

寄懷朱榕菴進士

壽康

自從遭亂後不見故人書天末秋風起飄零何處居

甯遠解圍

記未

楚邊民困未全蘇又報狼煙集外郭陣法已經安偃月

礮聲猶待響連珠疑兵四起宵吹角羣盜相戕自折跌

留得山城兒女在萬家遺老頌師徒

勞星陔中丞崇光枉書見招屬領粵軍擬將微名

入告時老母日衰不能遠離賦此辭謝

一函書札到江濱趣赴戎機及早春多謝薦賢蕭相國

故山堂北有衰親

暮春遣興

庚申

藁筆歸來少是非一生襟抱世相違門前古樹春深綠  
白鷺依依隔岸飛

移防宜章

辛酉

故人分虎領山城羽檄飛來報乞兵且喜維桑新奏捷

蒔花堂詩鈔

卷下

二

未妨破竹遠從征旌旗日暖軍容肅刁斗宵嚴間諜驚  
慚愧謝元工制敵頗聞羣盜懍先聲

棠兒入泮詩以助之

幾年辛苦讀書燈纔把丹梯上一層豈是文章高月旦  
須知先澤逮雲祏傳家祇有清風在績學當師旭日升  
勉力竿頭求進步扶搖無際望飛騰

中秋

秋色平分夜寒光滿碧空流雲銜遠樹落葉捲西風旅  
醉愁難遣豪吟句未工鄉關今夜月應與此邦同

從軍江右 壬戌

年來警報日披猖江左烽烟勢莫當鐵甕已聞傾北固  
金戈又說指南昌籌邊早切終童志入世羞言陸賈裝  
極目狂氛思迅掃夜深風雨吼魚腸

南州春望 癸亥

春色滿南州江邊上酒樓前山寒翠落遠樹斷雲收雨  
細縈波縠風狂穩釣舟遙遙芳草路無限使人愁

東湖橋望月

板橋人靜漏三更溽暑全消夜氣清水性自流無竭息

蒨花堂詩鈔 卷下

三

月明從古有虧盈南山詩裏懷鄉邑北極星邊望帝  
京多少繁憂禁不得一生積悔負昇平

轉餉祁門二首 甲子

電閃颺馳赴皖南幾年虎穴要窮探從知撻伐方張日  
枵腹從軍恐未堪

聚米量沙一壯遊軍前含笑看吳鉤祁閭無限屯田地

欲獻鯁生越俎謀

長江滾滾浪頭高屢捷王師集萬艘一片雄心摩敵壘

十年戰血染征旄，煙雲起滅鍾山在。  
廟算周詳左券操，回首先皇餘涕淚。  
不曾親見偃弓刀。

崇仁軍次喜席硯香方伯

寶田

陣俘洪逆福瑱

東南燹燹接天紅，大憝居然兩世雄。  
傳子妄言新嗣服，喪家潛遁遠興戎。  
檻車幸已擒元濟，流矢何曾犯孔融。  
從此撤兵歌奏凱，千秋竹帛看銘功。

對王到家

乙丑

遠遊歸里日，西斜路入桃源。  
兩岸花十載，江湖渾似夢。

一春心緒亂如麻，人來故土眉初展。  
山到鄉園色更嘉。

蒔花堂詩鈔

卷下

四

遙指前村煙樹裏，幾間茅屋是吾家。

輓蕭詠臣廣文

鳴球

璞玉渾金迥出塵，早年文質已彬彬。  
半生風雅能醫俗，一味天真易感人。

患難如君應共濟，窮愁似我倍相親。

那堪小別飛昇去，鄰笛聲聲最愴神。

東南秋日晚眺

丙寅

幾月離鄉幾日歸，歸來秋色滿柴扉。  
夕陽西下雲猶紫，殘暑將消蜩影稀。

從軍貴州

丁卯

...

郇甲歸來俗慮清那知傳檄又西征七旬未必三苗格  
五夜依然一劍橫路入蠻天山漸險人來鬼國夢常驚  
何時千里荆榛翦重聽班師振旅聲

轉餉銅仁號匪乘隙劫糧大營應援不及僅率部

賊風買卒二百人擊賊獲勝喜賦

戊辰

大帥前麾破敵辰尙留軍實待銅仁邊城如斗成孤注

逆黨窺糧豔百困守土不聞官建策臨危難得士忘身

唱籌何用量沙計已幸偏隅息戰塵

八弓軍次

己巳

蔣花堂詩鈔

卷下

五

八弓五月百花殘不脫羊裘耐薄寒久戰山城餘壞堞

半斜茅屋解征鞍騰驤士馬聲威壯飛輓粟芻道路難

安得黔氛消竭盡奢香遺蹟待尋看

大帥由沅州至常德途中卽事書懷六首

庚午

順風買櫂發偏沅回首遊蹤欲斷魂魚水有灣名最熟

螺罈無當酒難温才疏敢作千秋想慮遠翻愁一飯恩

太息蠻方猶轉戰歸帆纔挂憶戎軒

幾陣秋風送雨涼茫茫雲樹入黔陽舟行曲岸烏篷側

水拍孤城雉堞傷一帶樓臺成瓦礫萬家烟火等滄桑

眼前好景無多處惟有溪邊野菊香

破曉殘紅餘半缸扁舟一葉下洪江山銜秋色黃侵岸  
水翦湘簾綠映窗雄鎮何年開楚域通衢此地近鄉邦  
灘高錯落谿舂石十里飛蓬磨九瀧

辰溪東去是辰州楚雨黔雲一望收滿目流亾皆餓殍  
十年生聚要良謀孤城倒影煙波濶高閣臨江水竹幽  
攬景興懷眠未得半窗明月照牀頭

共說桃源別有天桃花開落幾千年地因山好雲都活  
水到江澄浪益鮮那有桑麻知魏晉似聞雞犬亦神仙

梅花堂詩鈔

卷下

六

迷津却歎無人指徒向秋林問碧煙

渺渺煙波接武陵不須中澤羨魚膾迢遙雲水三更笛  
焜耀江湖一舫燈善卷壇邊尋舊宅寓賢閣外寄行滕  
明朝又下沉江路可有長風得意乘

謝周子巖太史

崇傳

題來鶴書巢橫卷

鶴巢已化青煙去留得山堂在卷中早識奇文工吐鳳  
願看墨妙戲飛鴻揮來剡紙箋箋碧怒發心花字字紅  
多謝濂溪珍重意待將圖詠上屏風

籌餉章門

廿年征戰徧中原那識黔苗又背恩兜勦已窮全楚  
力輓輸立待兩江援賊衰縱覺魚遊釜兵餒終虞鳥出  
樊但願稻梁謀較足會看一鼓奪崑崙

寄壽家東來學博

辛未

庾嶺梅初放筵開七十辰斑衣新命服黃耇古儒紳爵  
晉延年酒眉齊舉案春華堂賓客盛偏少遠遊人

張仁山進士

坤

見訪不值留詩達意次韻奉和

十里寒雲久不開新晴隨意探江梅那知老眼看花去  
偏有文星入座來時論共推觀國彥深情雅抱濟川才  
蒔花堂詩鈔

卷下

七

茶瓜留客成孤負何日同君醉一杯

百花洲

蓬島飛來一葉舟幾時風雨鏡中浮花開花落香成海  
湖後湖前月滿樓久坐渾忘城市近頻來都爲水雲留  
嗟予老却看春眼時事關心漸白頭

劉峴莊中丞

坤一

招飲節署并出惠題九疑圖跋

見示卽席賦謝

軍門夜宴月如斗十丈紅綸花作藪兩行牙將捧金罇  
眾口傳呼將進酒將進酒樺燭紅鸞笙鳳管雜絲桐萬

花齊吐搖春風先生肅客禮意隆先生之酒清比聖一  
飲三蕉不亂性但將杯杓結歡衷不須瑣瑣論觴政先  
生之政和且平權衡吏治無畸輕訓農講武有餘暇節  
樓歌嘯怡心情先生之才大如海蔚然鸞鳳騰光彩爲  
我揮毫題畫圖波譎雲詭泣眞宰卽今捧出畫堂前琅  
琅誦之若湧泉何當飛上九疑巔獨攜大箸問青天

久客洪都適家士伸茂才

啟懷

由池州來訪於其

歸也詩以送之四首

壬申

曾向池陽訪謫仙每從秋浦看秋煙飛帆喜到章門歇

詩花堂詩鈔

卷下

八

草草遊蹤已半年

相逢幾日雨如絲客裏何堪又別離我欲同歸歸未得

送君南浦幾行詩

順風指日到衡陽回雁峯頭草木香若向天南頻縱目

九疑山色是家鄉

我是天涯倦鳥飛幾年飄泊寸心違平安兩字煩君寄

猶恐春來未卽歸

泛舟臨汝

癸酉

淺淺沙灘小小舟風恬浪靜水平流榜人笑指前村道

轉出西灣是撫州

懷人詩十六首

王岫雲都轉

方晉

南嶽七二峯有山名岫嶠雲氣滃然出被君突竄取慎  
勿返巖阿蒼生待霖雨

黎簡堂中丞

培敬

儒臣抱經濟所志良不惡視學金筑間留意覘民瘼一  
蹴上層霄無心縻好爵

喻魯翹太守

燾

蒔花堂詩鈔

卷下

九

銅仁舊家子讀書氣力猛琳琅幾萬篇藻思供馳騁困  
極慕垂紳勞勞求簿領

周鼎臣太史

冠

朗朗玉山行堪爲君寫照憶昔始相逢草廬酣歌嘯賀  
予納妾詩神韻抑何妙

蔣申甫京兆

琦齡

長安首善區經營成盛治一官歸去來還擁皋比位儻  
逢賈浪仙推敲亦不易

王鶴樵觀察

嵩齡

河南華夏中崧高插天秀先生實挺生淵懿兼樸茂其  
書本家傳遙遙有華胄

陳右銘觀察 寶箴

煙塵滿天地數載同袍澤偶然宦湘南遇事多建白大  
厦正須材望君成柱石

孫賜谷茂才 旭光

弱冠負清才倜儻有大志爲文不加點搜括無遺義興  
來臨池書勢若爭坐位

蕭薊泉方伯 浚蘭

蒔花堂詩鈔

卷下

十

筠州富林壑荷花照秋水地靈必有鍾巖巖方岳起願  
君宏遠模垂暉映青史

郭筠仙侍郎 嵩巖

侍郎赴神京約我遊畿輔祗以北堂衰未敢接公武方  
今時事艱願公摧強虜

何曉樓布衣 楚光

材質本天授不學亦善書馳驅戎馬間眾口復交譽如  
何長揖歸自荷種花鋤

蕭璧卿明府 玉春

少年好讀書三十成進士分符贛水濱民生歌樂只從此懋經綸豈徒榮青紫

陶仲瑜觀察 壽玉

湖湘兵燹後吏治久不古觀察劑盈虛轉漕供天庾吁嗟盛年人幡然思解組

易佐之都轉 鼎臣

世人重黃金結納無臧否君獨不謂然論交戒比匪我陳棻竹詩為公誦有斐

楊荷舫徵君 世紹

蔣花堂詩鈔

卷下

七

靖節薄浮名翛然歸故里著書多歲月園林居畫裏世傳清白操克家有令子

世人重陳曉湖孝廉 守和

探策羣玉府餘事工文陣談經都講席實學傳後進美哉鄭康成門牆多英儁

夜泊湘潭 甲戌 不古瞻察曠盈虛轉漕供天庾

清湘天一色日夕帆不收遠浦沈漁火江豚拜客舟行行柔櫓息皎月濯中流俯仰天地寬空懷名利憂呼童且沽酒消我萬古愁

湘中望嶽

憶昔登衡嶽覽古興飛揚崩崖懸瀆瀑斷壑架浮梁偶  
尋岫嶺蹟煙雲殊渺茫遂令蝌蚪字無處考精詳當其  
攀絕頂搔首問蒼蒼蒼天默無言紅日升扶桑曠然起  
遐想縱目窮八荒自從歸人海二十易星霜今秋頗閒  
暇一葦欣可杭湘曲嶽亦轉九面看未遑峯峯插天出  
勢若爭低昂谷風蒼虎嘯雲氣從龍驤時見旌旗動時  
見鸞鳳翔變化在須臾昏曉各陰陽佳哉氣蔥鬱何者  
足恢張昌黎開雲詩字字韻琳琅惜生千載後不與古  
蒨花堂詩鈔

卷下

十一

人當我欲發長歌鄰舟笑楚狂

重遊回雁峯

有序

回雁峯在衡州府治南爲衡嶽七十二峯之首  
上有雁峯寺舊傳寺僧飛錫全州得無上法有  
五百年來轉雁峯之偈雖彼法虛無不足徵信  
而江山雄秀故自可喜暇日登眺輒成此詠

衡峯七二首回雁古木參差繞佛殿夾道花迎前度劉  
老僧突見若識面伊予年少好山行曾到禪房聽經傳  
蒸湘兩道抱城來輕煙離合雙眸眩眼前好景是青山

出雲入雲皆足美巖深嶂聳盡神奇恍似魚龍爭百變  
兩度頻攜蠟屐來光陰彈指如奔電金仙一去不復還  
空有歸心傳俗諺倦遊我亦念家山飛身欲騎落霞片

晚園八詠 乙亥

柳陰路曲

一路柳陰中盤旋通曲水不是陶淵明宛然住栗里

東籬

扶杖步東階疏籬鹿眼排黃花時節到秋色十分佳

清暉亭

蒔花堂詩鈔

卷下

三

小築一亭空近挹西山爽春秋佳日多清暉透虛幌

茶煙寮

竹外小房櫺煎茶活火紅坐看煙起處時颺落花風

蒔花堂

茅屋祇數椽聊以舒懷抱竊比浣花堂詩人留杜老

瀛洲別島

拳石水中浮春波湧綠油林泉饒勝景漫說比瀛洲

喚月廊

一雨洗長空清光漸發越呼童倒金樽爲我召明月

聽香小榭

小榭倚危牆秋風入座涼吹來好芳氣是否木犀香

漢孫遊泮賦此勉之

丙子

十五年前爆竹聲而翁曾向泮宮行衰門乍喜傳衣鉢  
過客何勞問姓名莫倚聰明矜製作須知浮薄愧簪纓  
勛哉一善拳拳服萬里青雲足下生

湘口夜泛

沽酒騰高興風前一泛舟月明橋影瘦灘急浪花浮短  
笛漁家岸寒燈古寺樓誰憐心似水結伴有沙鷗

薛花堂詩鈔

卷下

古

送棠兒之官浙江

紫禁瞻天幾日還分符好在水雲間但攜琴鶴供家具  
莫爲蓴鱸憶故山慰我祇應隆氣節牧民未可負痾瘵  
亦知夙志縈棲養勉荅昇平總一般

述德堂紀事

丁丑

束髮已授書擬借文章顯先人期望深勉作青錢選悠  
悠數十年此志不一展干戈動地來遺經付兵燹當途  
屢見招投筆事鞍韉偶然靖賊氛實愧膺軒冕況加錫  
類仁推恩誠不淺三葉荷崇封及身邀曠典深閨亦佩

璜同心期黽勉人誇極品榮我益中心快蠲吉告先祠  
禮儀陳不腆再拜奉 綸音褒揚輝四卷垂裕念有方  
肯堂慚繼善焚香報禮成感泣傳幽闡誓言志澄清餘  
生歌海宴

悼亾

屈指于歸四十年緣有盡數難留團圞漫冀他生福  
老大徒增內顧憂鴻案遺徽傷故翟鯉庭薄宦阻歸舟  
那堪此際營齋奠落葉哀蟬處處愁

余家七世單傳至先君子始有兄弟添丁之難如

蒔花堂詩鈔

卷下

五

此今年漢孫舉子母氏獲見五世因率孫曾輩  
升堂介壽賦此稱觴

兩朝七世一絲延五代同堂詎偶然敢謂庸庸多厚福  
可知默默有因緣循陔桂子飄香滿繞砌蘭孫帶露鮮  
贏得諉闌開口笑婆婆老眼數曾玄

春日山居

戊寅

春到花朝已二分周遭茅屋掩梨雲渾身自在寒香裏  
不用金爐換夕薰

雪巖

來鶴山前路尋春一杖藜  
有花皆豔發無鳥不幽棲  
洞豁堪容席亭高欲置梯  
鄉園頻到處鴻迹認東西

寄懷席硯香方伯

寶田

二首

鐵馬金戈地輕裘緩帶風  
祇今論將畧寰宇幾人同  
粵寇收全局蠻烟竟大功  
誰知恬淡意鳥盡便藏弓

君戀家鄉好招攜數往還  
每逢分別後重憶午橋間  
話雨宵連榻寒雲曉看山  
平生孤厚望衰朽阻朝班

久客應陽寄訊家柏嶼理問

葆堅

客中木葉脫秋意撼詩脾  
每逢風雨來竟夕傷別離

蕙花堂詩鈔

卷下

七

思無由達擬將雙鯉遺  
憐君少績學經師兼人師  
所惜志不展風塵徒奔馳  
數年修鬢序勞勞籌度支  
經營亦匪易幸覩垂成時  
爲山至九仞一簣慎毋虧  
勉刀圖厥終相期戒虛糜  
至聖如有靈降汝福祿  
祺

立春

巳卯

春到鄉園日正中  
桃符綵勝萬家紅  
山川纔發氤氳氣

已見冰霜一霎融

寄懷許星臺廉訪

應鑠

二十四韻

雲岫參天白珠江  
匝地紅誰鍾千載秀  
此實萬夫雄大

器儲公輔髫齡號聖童家聲王謝美昆季薛荀同文擅  
雕龍妙詞誇繡虎工棘闈宰趙幟蕊榜捷南宮峙筭班  
聯玉分符綬綰銅一麾曾出守三省慎持躬運甓駒陰  
惜懸鞭雅度洪風流唐白傅治化漢文翁考績居高等  
論才冠鉅公允宜膺重寄自可奏膚功 九陞絲綸錫  
雙江保障崇官聲章貢水民俗魏唐風我愧才修鳳詩  
難氣吐虹漫言瓜葛誼深託蕙蘭叢下榻慚徐枌開尊  
遇孔融雙丸驚去箭兩地感飄蓬落月懷人渺停雲望  
眼空鱗鴻多阻滯缺燕自西東別久心常繫愁深夢不  
尋花堂詩鈔 卷下 七

迺近陳吳會臬遠慰故人衷按俗輶軒外遷喬扣顧中  
江南春水發料理寄詩筒  
春日述懷四首

九十慈親白髮兒天倫樂事頗難期春暉寸草無由報  
恐誦陔蘭束皙詩

行年七十尙吹塤老至彌增手足恩但願期頤同奉母

春光長駐鶴鴿原

家風清白代相傳門第宏開要後賢不識析薪能負否

種松原望碧參天

那有簾金與范喬付將一硯當瓊瑤他年長就森森竹  
願爾千雲入絳霄

村前晚眺二首

欲雨不雨密雲起欲晴不晴秋水寒蕉葉初黃梧葉落  
菊花將放蓼花殘

日落村村起暮煙看山獨立小橋邊文章勲業毫無補  
孤負躬耕五十年

登雲台山

舟登陸訪雲台踏徧煙蘿梵宇開四面奇峯一牖立

花山詩鈔 卷下

江遠水極天來靈山花鳥無凡意古殿鐘魚不切灰  
不是阿難留信宿題詩何暇掃青苔

日暮林林返暮暝香山獨立小蘇歡文章博學多無厭  
蘇林林返暮暝香山獨立小蘇歡文章博學多無厭  
知雨不雨密雲起欲晴不晴秋水寒蕉葉初黃梧葉落

林前晚眺二首

願爾千雲入絳霄

張有簾金與范喬付將一硯當瓊瑤他年長就森森竹

第 250 号

